

Mountains ADAPT

Փոքր դրամաշնորհների ֆինանսավորման ծրագիր (SGFS)

Ֆինանսավորման ծրագրի ընդհանուր նկարագիրը

Ծրագրի իրականացման Տարածաշրջան	Հարավային Կովկաս
Իրավասու երկրներ	Հարավային Կովկասի երկրներ, ներառյալ Հայաստանը ¹
Իրականացնող կազմակերպություններ	Նախընտրելի են տեղական և համայնքային կազմակերպությունները, երիտասարդական և կանանց կազմակերպությունները, ինչպես նաև քաղաքացիական հասարակության այլ կազմակերպություններ (ՔՀԿ-ներ):
Թեմատիկ ոլորտներ	- Էկոհամակարգերի վերականգնում - Զրային ռեսուրսների պահպանում և արդյունավետ կառավարում - Կլիմայակայուն խելացի գյուղատնտեսություն և պարենային անվտանգության ապահովում - Աղետների ռիսկի նվազեցում, պատրաստվածություն և դիմակայունության բարձրացում, - Եկամտի աղբյուրների բարելավում և կենսապահովման միջոցների դիվերսիֆիկացում/ բազմազանեցում/ - Առողջության և կյանքի որակի բարելավում
Ցուրաքանչյուր նախագծի համար դրամաշնորհի չափը	Մինչև 30,000 ԱՄՆ դոլար
Շահառու խումբ	Տեղական լեռնային համայնքներ
Իրականացման ժամկետ	12 ամիս

¹ Mountains ADAPT-ի ֆինանսավորման ընդլայնված ծրագրերը ներառում են նաև Արևելյան Աֆրիկայի երկրները: Լրացուցիչ տեղեկությունների համար այցելեք կայք. <https://www.unep.org/topics/climate-action/adaptation/ecosystem-based-adaptation/mountains-adapt>

Դիմելու իրավունք

SGFS-ը ֆինանսավորում է քաղաքացիական հասարակության կազմակերպություններին, մասնավորապես՝ տեղական, համայնքային, երիտասարդական և կանանց կազմակերպություններին, որոնք իրականացնում են համայնքային մակարդակի նախաձեռնություններ՝ Հարավային Կովկասի լեռնային համայնքներում կլիմայի փոփոխության ազդեցություններին հարմարվողականությունը խթանելու նպատակով:

Դիմորդների հիմնական համապատասխանության չափանիշները

Դիմորդները պետք է համապատասխանեն հետևյալ հիմնական չափանիշներին.

- **Անդրադառնալ լեռնային շրջաններում կլիմայի փոփոխության հետ կապված խնդիրներին և/կամ խոցելիություններին՝** նպատակ ունենալով պահպանել, վերականգնել կամ բարելավել կենսապահովման միջոցները, էկոհամակարգերի կայունությունը և սննդային անվտանգությունը:
- **Լինել օրինականորեն գրանցված կազմակերպություն**, որը տեղակայված է շահառու երկրների՝ **Հարավային Կովկասի** լեռնային շրջաններում և գործունեություն է իրականացնում՝ լեռնային էկոհամակարգերին և դրանցում բնակվող համայնքներին օգուտներ ու ծառայություններ տրամադրելու ուղղությամբ:
- **Ունենալ համայնքներին ուղղված նախագծերի մշակման և իրականացման համապատասխան փորձ:** Հարմարվողականության և/կամ շրջակա միջավայրի պահպանությանն ու կայուն կառավարմանը միտված գործունեության ապացուցված փորձը կոլիտարկվի որպես առավելություն:

Առավելություն կտրվի այն դիմորդներին, որոնք կնպաստեն կանանց և աղջիկների հզորացմանը, կխթանեն նրանց իրավունքներն ու կարողությունների զարգացումը և կապահովեն գենդերային հավասարակշռության բարելավումը:

Ծրագրի առաջնահերթությունները

Ծրագիրը ֆինանսավորում է կլիմայի փոփոխության ազդեցություններին խոցելի համայնքների դիմակայունության բարձրացմանն ուղղված նորարարական նախաձեռնություններ:

Առաջարկվող նախագծերը պետք է՝

- հզորացնեն և ակտիվորեն ներգրավեն տեղական համայնքներին՝ որպես փոփոխությունների և լուծումների գործընթացի առանցքային դերակատարների,
- արձագանքեն բացահայտված կլիմայական ռիսկերին և ազդեցություններին,
- համապատասխանեն ազգային և տեղական մակարդակներում գործող համապատասխան քաղաքականություններին, ռազմավարություններին, ծրագրերին և պլաններին,
- որպես առանցքային միջոցառումներ մոտեցում ներառեն բնության վրա հիմնված լուծումները (Nature-based Solutions – NbS):

Բոլոր աջակցվող նախաձեռնություններին խրախուսվում է ներառել կարողությունների զարգացում, ամրապնդել ավանդական և տեղական գիտելիքների համակարգերը, ինչպես նաև անդրադառնալ կանանց, երիտասարդների և այլ խոցելի խմբերի առջև ծառացած առանձնահատուկ մարտահրավերներին:

Գործունեության թեմատիկ ուղղությունները

Առաջարկվող գործունեությունը պետք է հիմնված լինի **համապարփակ և կայուն կենսապահովման միջոցների ապահովման մոտեցման վրա** և իրականացվի մեկ կամ մի քանի թեմատիկ ուղղություններով, որոնք կարող են ներառել, սակայն չեն սահմանափակվում հետևյալով.

- **Էկոհամակարգերի վերականգնում.** Վերականգնել դեգրադացված լանդշաֆտները՝ կիրառելով բնության վրա հիմնված լուծումներ (NbS)² ՄԱԿ-ի Էկոհամակարգերի վերականգնման տասնամյակի և դրա առաջնորդող սկզբունքներին համապատասխան՝ միաժամանակ ապահովելով **Էկոլոգիական ամբողջականությունը և կենսապահովման միջոցների կայունությունը**:
- **Ջրային ռեսուրսների պահպանում և արդյունավետ կառավարում.** Բարելավել, վերականգնել և պահպանել համայնքային ջրային ենթակառուցվածքները, այդ թվում՝ ջրամատակարարման համակարգերը, կիրառելով **Էկոհամակարգային մոտեցումներ և ապահովելով համայնքի բոլոր անդամների հավասար և արդար հասանելիությունը ջրային ռեսուրսներին**:
- **Կլիմայակայուն, խելացի գյուղատնտեսություն և սննդային անվտանգություն.** Վերափոխել ագրոպարենային համակարգերը՝ խթանելով **Էկոլոգիապես կայուն և կլիմայակայուն գյուղատնտեսական գործելակերպերը**, այդ թվում՝ երաշտադիմացկուն մշակաբույսերի և սերմերի տեսակների կիրառումը, **ագրոէկոլոգիայի և պերմակուլտուրայի /մշտական մշակության/ զարգացումը**, կաթիլային ոռոգման և անձրևաջրերի հավաքման համակարգերի ներդրումը, ինչպես նաև կոմպոստացման, ցանքածածկման և վերականգնողական գյուղատնտեսության մեթոդների կիրառումը՝ **հողի առողջության և բերրիության բարելավման նպատակով**:
- **Աղետների նկատմամբ պատրաստվածություն և դիմակայունություն.** Խթանել **Էկոհամակարգային մոտեցումների վրա հիմնված աղետների ռիսկի նվազեցման և պատրաստվածության միջոցառումները**՝ համայնքային մակարդակում ռիսկերի գնահատման, տեղայնացված վաղ նախազգուշացման համակարգերի մշակման և ներդրման, հոդօգտագործման համապատասխան պլանավորման, ինչպես նաև **տեղական և բազմաշահառու գործընկերությունների ձևավորման միջոցով**:
- **Եկամտի աղբյուրների բարելավում և դիվերսիֆիկացում/բազմազանացում/.**
- Խթանել **այլընտրանքային և կայուն կենսապահովման հնարավորությունները**, այդ թվում՝ կայուն արժեքային շղթաների զարգացումը, **Էկոտուրիզմը և բնության վրա հիմնված լուծումների (NbS) հետ կապված ձեռնարկատիրական գործունեությունը**:
- **Առողջության և կյանքի որակի բարելավում.** Նվազեցնել ջերմային սթրեսի և շրջակա միջավայրի աղտոտվածության ազդեցությունը և բարելավել բնակչության կենսապայմաններն ու կյանքի որակը, մասնավորապես՝ **բոլոր խմբերի համար հասանելի և ներառական հանրային ու հանգստի տարածքների** ստեղծման կամ բարելավման միջոցով:

Էկոհամակարգերի վերականգնման ՄԱԿ-ի տասնամյակը (2021–2030 թթ.), որն իրականացվում է ՄԱԿ-ի Շրջակա միջավայրի ծրագրի (UNEP) և ՄԱԿ-ի Պարենի և գյուղատնտեսության կազմակերպության (FAO) առաջնորդությամբ, կոչ է անում գլոբալ մակարդակով գործողություններ ձեռնարկել՝ Էկոհամակարգերի դեգրադացիան կանխելու, կասեցնելու և վերականգնելու նպատակով: Դրա ուղղորդող սկզբունքներն ընդգծում են էկոլոգիական ամբողջականությունը, ներառականությունը, հավասարությունը, կայունությունը, ինչպես նաև մարդկանց և բնության համար երկարաժամկետ օգուտների ապահովումը:

Լրացուցիչ տեղեկությունների համար www.decadeonrestoration.org

Դիմումի գործընթաց

Դիմորդները պետք է լրացնեն նախագծին վերաբերող պահանջվող տեղեկատվությունը և առցանց դիմումի հարթակի միջոցով ներկայացնեն անհրաժեշտ փաստաթղթերը:

Պահանջվող փաստաթղթեր

Դիմորդներից կպահանջվի դիմումի հետ միասին ներկայացնել մի շարք օժանդակ փաստաթղթեր, այդ թվում՝

- կազմակերպության գրանցման վկայականը,
- կազմակերպության բանկային տվյալները (**միայն ընտրված դիմորդներից**),
- կազմակերպության իրավասու ներկայացուցչի անձնագրի պատճենը (**միայն ընտրված դիմորդներից**),
- այլ լրացուցիչ փաստաթղթեր և տեղեկություններ՝ ըստ անհրաժեշտության:

Բոլոր փաստաթղթերը, ներառյալ նախագծին վերաբերող տեղեկատվությունը, կարող են ներկայացվել ազգային լեզվով կամ անգլերենով:

Համապատասխանության նախնական ստուգում

Իրականացնող գործընկ Առցանց դիմումի ներկայացումից հետո իրականացնող գործընկերները, UNEP-ի ծրագրային թիմի հետ խորհրդակցությամբ, կուսումնասիրեն ներկայացված հայտերը:

Անհրաժեշտության դեպքում նրանք կկապվեն դիմորդների հետ՝ լրացուցիչ տեղեկություններ կամ փաստաթղթեր ստանալու նպատակով:

Երևերը պետք է մանրակրկիտ ուսումնասիրեն ներկայացված տեղեկատվությունը և, անհրաժեշտության դեպքում, ստուգեն դրա հավաստիությունն ու համապատասխանությունը՝ համոզվելու համար, որ բավարարվում են հետևյալ նվազագույն համապատասխանության չափանիշները.

- ✓ Դիմումի ձևում պահանջվող որևէ էական տեղեկատվություն բացակայում կամ լրացված չէ:
- ✓ Դիմորդը պատշաճ կերպով գրանցված համայնքային մակարդակում գործող կազմակերպություն է, ունի վստահելի տեղական ներկայություն և բավարար ֆինանսական կայունություն:
- ✓ Ներկայացված խնդիրը հստակորեն առնչվում է լեռնային շրջաններում կլիմայի փոփոխության նկատմամբ հարմարվողականությանը:
- ✓ Առաջարկվող լուծումը հիմնականում հիմնված է բնության վրա հիմնված լուծումների (NbS) վրա և իրականացվում է համապարփակ մոտեցման շրջանակում:
- ✓ Առաջարկվող լուծումը համապատասխանում է UNEP-ի բնապահպանական և սոցիալական պաշտպանության պահանջներին և համահունչ է UNEP-ի Շրջակա միջավայրի և սոցիալական կայունության շրջանակի (Environmental and Social Sustainability Framework – ESSF) առաջնորդող սկզբունքներին:³

Համապատասխանության գնահատման չափանիշներ

Արդար, թափանցիկ և հետևողական ընտրության գործընթաց ապահովելու նպատակով կկիրառվի համապատասխանության հստակ չափանիշների համակարգ, որը ներառում է հետևյալը.

- Դիմորդը պատշաճ կերպով գրանցված համայնքային կամ քաղաքացիական հասարակության կազմակերպություն է և գործում է շահառու լեռնային տարածաշրջանում:
- Առաջարկը հստակորեն սահմանված կլիմայական մարտահրավերի կամ խոցելիությանն արձագանքող լուծում է:

- Առաջարկվող լուծումը հիմնականում հիմնված է բնության վրա հիմնված լուծումների (NbS) և/կամ էկոհամակարգային հարմարվողականության միջոցառումների վրա:
- Առաջարկը նպաստում է տեղական համայնքների դիմակայունության, կենսապահովման հնարավորությունների և կյանքի որակի բարելավմանը:
- Առաջարկվող գործունեությունը համապատասխանում է ազգային և տեղական համապատասխան քաղաքականություններին, ռազմավարություններին և ծրագրերին:
- Առաջարկը ներառում է ներառականության, գենդերային հավասարության և խոցելի խմբերի մասնակցության ապահովման համապատասխան մոտեցումներ:
- Առաջարկվող գործունեությունը համապատասխանում է UNEP-ի բնապահպանական և սոցիալական պաշտպանության պահանջներին:
- Արդյո՞ք դիմորդն ունի փոքր դրամաշնորհը պատշաճ և արդյունավետ կառավարելու համար անհրաժեշտ ֆինանսական և գործառնական կարողություններ, ներառյալ ֆինանսական կառավարման և հաշվապահական հաշվառման հիմնական կարողությունները:
- Արդյո՞ք դիմորդն ապահովում է հաշվետվողականություն շահառու համայնքի նկատմամբ, մասնավորապես՝ համայնքի անդամների ներգրավման, նրանց հետ արդյունավետ հաղորդակցության, ինչպես նաև դրամաշնորհային միջոցների օգտագործման և իրականացվող գործունեության վերաբերյալ տեղեկատվության թափանցիկ և հասանելի ներկայացման միջոցով:
- Արդյո՞ք դիմորդն ունի տեղական մակարդակում նախագծերի կամ ծրագրերի իրականացման համապատասխան փորձ:
- Արդյո՞ք դիմորդը դրսևորել է գենդերային հավասարության, սոցիալական ներառման և հավասար հնարավորությունների ապահովման հստակ հանձնառություն:
- Արդյո՞ք դիմորդը ինստիտուցիոնալ առումով անկախ է տեղական ինքնակառավարման մարմիններից, այսինքն՝ չի հանդիսանում կառավարության ուղղակի ստորաբաժանում, պետական մարմին կամ քաղաքական կառույց:
- Արդյո՞ք առաջարկվող բյուջեն չի նախատեսում պետական պաշտոնատար անձանց, այդ թվում՝ տեղական ինքնակառավարման մարմինների ներկայացուցիչների, ուղղակի աշխատավարձերի կամ հավելավճարների վճարում՝ UNEP-ի ֆինանսական կանոններին և ընթացակարգերին համապատասխան:⁴
- Արդյո՞ք առաջարկը հիմնված է ազգային և/կամ ենթազգային մակարդակներում գործող կլիմայի փոփոխության և հարմարվողականության վերաբերյալ համապատասխան քաղաքականությունների, ռազմավարությունների և ծրագրերի բավարար իմացության վրա, և հստակ ցույց է տալիս, թե ինչպես կարող է առաջարկվող գործունեությունը նպաստել դրանց տեղական իրականացմանը:

Այս չափանիշները նախատեսված են ոչ միայն **տեխնիկական համապատասխանությունը և կազմակերպական կարողությունները գնահատելու**, այլև **հաշվետվողականության, թափանցիկության, հակակոռուպցիոն սկզբունքների, սեռական շահագործումից, չարաշահումից և ռսոնձություններից պաշտպանության, մարդու իրավունքների պաշտպանության և ֆինանսական միջոցների պատասխանատու ու նպատակային օգտագործման** միջազգային սկզբունքների պահպանումն ապահովելու համար:

Անկողմնակալություն, հաշվետվողականություն և բողոքների ու արձագանքման մեխանիզմ

Տեղական մակարդակում **SGFS-ի իրականացման գործընթացի ամբողջականությունը, թափանցիկությունը և հաշվետվողականությունը** ապահովվելու նպատակով նախատեսվում է պարզ, անվտանգ և հասանելի **բողոքների և արձագանքման մեխանիզմ**:

⁴ **Նշում.** Տեղական պաշտոնատար անձանց մասնակցությունը ծրագրի իրականացմանն ուղղված գործունեությանը, օրինակ՝ համակարգման, տեխնիկական վերահսկողության կամ խորհրդատվության շրջանակում, կարող է ապահովվել **բնաիրային (դրամական չինոս) ներդրումների** կամ պետական համաֆինանսավորման միջոցով: Այնուամենայնիվ, **SGFS-ի դրամաշնորհային միջոցներից նրանց ուղղակի վճարումներ չեն կարող իրականացվել:**

Մեխանիզմը համայնքի անդամներին, շահագրգիռ կողմերին և դրամաշնորհառու գործընկերներին հնարավորություն կտա **անվտանգ և, անհրաժեշտության դեպքում, գաղտնի կերպով ներկայացնել բողոքներ, մտահոգություններ կամ հաղորդումներ**, այդ թվում՝ միջոցների հնարավոր չարաշահման, շահերի բախման, կողմնակալության, խտրականության կամ ծրագրի իրականացման ցանկացած փուլում անհիմն բացառման վերաբերյալ:

Մեխանիզմի հիմնական բաղադրիչներն են՝

- **Անանուն բողոքների ներկայացման հասանելի ձևաչափ**՝ թվային ձևաթղթի և/կամ ծրագրային այցերի ընթացքում հասանելի ֆիզիկական բողոքների արկղի միջոցով:
- **Հատուկ էլեկտրոնային հասցե**, որը կառավարվում է UNEP-ի կողմից և համատեղ մշտադիտարկվելու է **Կայուն Կովկասի /Sustainable Caucasus/** հետ:
- Ծրագրի մեկնարկային միջոցառումների ընթացքում համայնքի անդամներին կտրամադրվի հստակ տեղեկատվություն իրենց իրավունքների, բողոքների ներկայացման կարգի և առկա պաշտպանության ու արձագանքման մեխանիզմների վերաբերյալ:
- **Բողոքների հետագա ուսումնասիրման, անհրաժեշտության դեպքում՝ հետաքննության, արձագանքման և փաստաթղթավորման հստակ ընթացակարգ**, որը պետք է ապահովի գործընթացի գաղտնիությունը, անաչառությունը և արդարությունը, ինչպես նաև կանխարգելի բողոք ներկայացնող անձանց նկատմամբ որևէ բացասական հետևանք կամ վրեժխնդիր վերաբերմունք:
- **Բողոքների և բարձրացված մտահոգությունների պատշաճ արձանագրում և հետևողական վերահսկում**՝ դրանց ժամանակին և համապատասխան լուծումն ապահովելու նպատակով:

Առաջարկների գնահատում և ընտրություն

Համապատասխանություն, թափանցիկություն և համադրելիություն ապահովելու նպատակով բոլոր համապատասխան հայտերը կգնահատվեն **ստանդարտացված հայտի գնահատման ամփոփաթեթի (Հավելված 1)** միջոցով: Այս ձևաչափը յուրաքանչյուր առաջարկի վերաբերյալ ապահովում է **հակիրճ, սակայն համապարփակ տեղեկատվություն**, ներառյալ՝ թեմատիկ համապատասխանությունը, համապատասխանության նախնական ստուգման արդյունքները, գնահատման արդյունքները և գնահատողների դիտարկումները:

Ստանդարտացված գնահատման ամփոփաթեթը ներառում է հինգ հիմնական բաժին՝

- (1) հայտի վերաբերյալ հիմնական տեղեկատվություն,
- (2) նախագծի թեմատիկ ուղղվածությունը և ամփոփ նկարագիրը,
- (3) համապատասխանության ստուգման արդյունքները,
- (4) որակական գնահատման չափանիշների հիման վրա կատարված գնահատման ամփոփագիրը,
- (5) հիմնական դիտարկումները և առաջարկությունները:

Այս ստանդարտացված ձևաչափը նպաստում է գնահատման գործընթացի թափանցիկությանն ու հետևողականությանը, նվազեցնում է գնահատողների վարչական և աշխատանքային ծանրաբեռնվածությունը և աջակցում է **ապացույցների վրա հիմնված, արդար, անկողմնակալ և մասնակցային ֆինանսավորման որոշումների կայացմանը**:

Գնահատման գործընթացի թափանցիկությունն ապահովելու և դիմորդների կողմից լավ մշակված և ամբողջական առաջարկների ներկայացումը խթանելու նպատակով, գնահատման չափանիշների աղյուսակը հրապարակայնորեն կներկայացվի **առաջարկների ընդունման հայտարարության (Call for Proposals)** հետ միասին:

Որակական գնահատում

Համապատասխանության նախնական ստուգումն անցած հայտերը կներկայացվեն **տարածաշրջանային ընտրության հանձնաժողովին**՝ որակական գնահատման և ֆինանսավորման համար ընտրության նպատակով:

Հանձնաժողովի յուրաքանչյուր անդամ պարտավոր է **անհատապես ուսումնասիրել և գնահատել** յուրաքանչյուր հայտ՝ հիմք ընդունելով հաստատված գնահատման չափանիշները: Յուրաքանչյուր հայտ գնահատվում է **Հավելված 2-ում ներկայացված գնահատման չափանիշներին** համապատասխան:

Գնահատման ուղեցույցի համաձայն՝ յուրաքանչյուր հայտին նշանակվում է **0-ից 100 միավոր**:

Գնահատումն իրականացվում է **երկաստիճան գործընթացով**.

- i. Հանձնաժողովի յուրաքանչյուր անդամ իրականացնում է **հայտերի անկախ և անհատական գնահատում**՝ հաշվի առնելով իր մասնագիտական և համատեքստային գիտելիքները, ինչպես նաև համապատասխան ազգային և տեղական քաղաքականությունների ու առաջնահերթությունների վերաբերյալ իր փորձառությունը:
- ii. Անհատական գնահատականները համադրվում և ամփոփվում են **միասնական գնահատման աղյուսակում**, որի հիման վրա յուրաքանչյուր երկրի համար առանձնացվում են **ամենաբարձր գնահատականներ ստացած հայտերը**:

Նախագծերի վերջնական ընտրություն

Որակական գնահատման ավարտից հետո **ընտրության հանձնաժողովը համատեղ նիստում քննարկում** է միասնական գնահատման աղյուսակը և, հաշվի առնելով գնահատման արդյունքները, համապատասխանության պահանջները և հասանելի ֆինանսական ռեսուրսները, **կայացնում է վերջնական որոշում ֆինանսավորման ենթակա նախագծերի վերաբերյալ**:

Ընտրության արդյունքները կհաղորդվեն **թափանցիկ և պաշտոնական եղանակով**: Յուրաքանչյուր դիմորդի կուղարկվի **պաշտոնական ծանուցում ընտրության արդյունքի վերաբերյալ**⁵ էլեկտրոնային փոստով:

⁵ Ընտրության մասին ծանուցումը չի հանդիսանում UNEP-ի կողմից իրավաբանորեն պարտավորեցնող համաձայնագիր կամ իրավական պարտավորություն: Ֆինանսավորման վերջնական հաստատումը և միջոցների տրամադրումը պայմանավորված են բոլոր պատշաճ ուսումնասիրությունների, համապատասխանության ստուգումների և պահանջների հաջող ավարտով, ինչպես նաև դրամաշնորհի վերաբերյալ պաշտոնական համաձայնագրի ստորագրմամբ: Դիմորդներին խորհուրդ է տրվում ֆինանսական կամ գործառնական պարտավորություններ չստանձնել՝ հիմնվելով բացառապես ընտրության արդյունքի մասին ծանուցման վրա:

Ծանուցումը կներառի՝

- հստակ տեղեկություն այն մասին, թե **հայտը ընտրվել է ֆինանսավորման համար, թե չի ընտրվել**,
- հայտի **հիմնական ուժեղ կողմերի և բարելավման ենթակա ոլորտների համառոտ ամփոփում**՝ գնահատման արդյունքների հիման վրա,
- ընտրված դիմորդների համար **հաջորդ քայլերի վերաբերյալ տեղեկատվություն**, ներառյալ ամբողջական նախագծային առաջարկի մշակումը, իրականացման պլանավորումը և համապատասխանության լրացուցիչ պահանջների կատարումը,
- չընտրված դիմորդների համար, հնարավորության դեպքում, **անհատականացված արձագանք և համապատասխան ուսուցողական ու կարողությունների զարգացման ռեսուրսներ**:

Ընտրված նախագծերի հրապարակում

Ընտրված նախագծերի **համախմբված ցանկը** կհրապարակվի ծրագրի պաշտոնական կայքում՝ ներառելով նախագծերի անվանումները, իրականացնող կազմակերպությունները, երկրները, հիմնական թեմատիկ ուղղությունները և տրամադրվող դրամաշնորհի չափը:

Հրապարակմանը կից կներկայացվի **մամուլի հաղորդագրություն**, որը, անհրաժեշտության դեպքում, կտարածվի նաև սոցիալական մեդիայի և/կամ էլեկտրոնային տեղեկագրի միջոցով:

Մամուլի հաղորդագրությունը, մասնավորապես, կներկայացնի՝

- ստացված և գնահատված հայտերի ընդհանուր թիվը,
- **ընտրության գործընթացի, դրա փուլերի և կիրառված գնահատման չափանիշների համառոտ նկարագիրը**,
- հայտերի ընդունման ընթացքում արձանագրված **աշխարհագրական և թեմատիկ հիմնական միտումները**:

Հաճախակի տրվող հարցեր



Համապատասխանություն

Ուլքե՞ր կարող են դիմել դրամաշնորհի համար:

Դրամաշնորհին կարող են դիմել քաղաքացիական հասարակության կազմակերպությունները, մասնավորապես՝ տեղական, համայնքային, երիտասարդական կամ կանանց կազմակերպությունները, որոնք իրականացնում են համայնքահենք գործողություններ՝ Հարավային Կովկասի լեռնային համայնքներում կլիմայի փոփոխության ազդեցություններին հարմարվելու նպատակով:

Արդյո՞ք անհատները կարող են դիմել, թե՞ միայն գրանցված կազմակերպությունները:

Դիմել կարող են միայն պաշտոնապես գրանցված կազմակերպությունները: Անհատական դիմումները չեն ընդունվում:

Կազմակերպությունը պարտադի՞ր է պաշտոնապես գրանցված լինի դրամաշնորհին դիմելու համար:

Այո: Միայն պաշտոնապես գրանցված կազմակերպությունները կարող են դիմել: Դիմորդները դիմումի ձևի հետ միասին պետք է ներկայացնեն իրենց պաշտոնական գրանցման վկայականը:

Ընտրվելու դեպքում կազմակերպությունը պետք է ունենա նաև կազմակերպության անունով բացված պաշտոնական բանկային հաշիվ. անհատական բանկային հաշիվների օգտագործումը թույլատրելի չէ:

Կա՞ն աշխարհագրական կամ թեմատիկ սահմանափակումներ:

Այո: Դիմորդները պետք է ունենան շահառու լեռնային համայնքների հետ անմիջական աշխատանքի փորձ և կարողանան ներկայացնել առաջարկվող նախագիծն արդյունավետ իրականացնելու իրենց կարողության ապացույցներ:

Կլիմայի փոփոխության նկատմամբ հարմարվողականության և/կամ շրջակա միջավայրի պահպանությանն ուղղված գործունեության ապացուցված փորձը կդիտարկվի որպես առավելություն:

Կազմակերպությունը պարտադի՞ր է միջազգային ֆինանսավորող կազմակերպությունների հետ աշխատելու նախորդ փորձ ունենա:

Ոչ: Միջազգային ֆինանսավորման աղբյուրների հետ նախկինում աշխատելու փորձը պարտադիր չէ:

Դիմորդները պետք է ցույց տան լեռնային համայնքներին օգուտ բերող նախագծերի կամ ծրագրերի իրականացման և դրանցում ներգրավվածության համապատասխան փորձ՝ անկախ ֆինանսավորման աղբյուրից:



⇒ Դիմումի գործընթաց

Ինչպե՞ս դիմել դրամաշնորհի համար:

Դիմորդները պետք է լրացնեն և ներկայացնեն **դիմումի ամբողջական ձևը**, որը հասանելի է համապատասխան առցանց հղմամբ՝

<https://apps.unep.org/surveyunep/index.php/849129?lang=en>

Ի՞նչ փաստաթղթեր են պահանջվում դիմումի հետ միասին:

Դիմումի հետ միասին դիմորդները պետք է ներկայացնեն՝

- կազմակերպության **վավեր գրանցման վկայականը**,

Ընտրվելու դեպքում դիմորդները լրացուցիչ պետք է ներկայացնեն կազմակերպության **պաշտոնական բանկային տվյալները**, որոնք պետք է համապատասխանեն կազմակերպության գրանցման տվյալներին, կազմակերպության իրավասու ներկայացուցչի ազգային նույնականացման քարտը կամ անձնագիրը:

Ո՞րն է դիմումների ներկայացման վերջնաժամկետը:

Դիմումները կընդունվեն մինչև **2026 թվականի սեպտեմբերի 15-ը, ժամը 23:59-ը**, Հարավային Կովկասի ժամանակով (UTC+4) :

Վերջնաժամկետից հետո ստացված դիմումները չեն դիտարկվի:

Կարո՞ղ են դիմումները ներկայացվել անգլերենից բացի այլ լեզուներով:

Այո: Դիմումի ձևը հասանելի է և կարող է լրացվել Հարավային Կովկասի երկրների լեզուներով և կարող է լրացվել այդ լեզուներով, այդ թվում՝ հայերենով:

⇒ Ֆինանսավորման պայմաններ

Որքա՞ն է տրամադրվող դրամաշնորհի նվազագույն և առավելագույն չափը:

Դրամաշնորհի **առավելագույն չափը 30 000 ԱՄՆ դոլար է**: Նվազագույն դրամաշնորհային չափ սահմանված չէ:

Այնուամենայնիվ, դիմորդներին խրախուսվում է պահանջել **նախագծի արդյունավետ իրականացման համար անհրաժեշտ և հիմնավորված ֆինանսավորում**, որը հնարավորություն կտա իրականացնել էական բնության վրա հիմնված լուծումներ և համապատասխան դաշտային գործունեություն:

Ի՞նչպիսի լուծումներ կարող են առաջարկվել:

Նախագծերը պետք է **հզորացնեն տեղական համայնքներին**, արձագանքեն բացահայտված կլիմայական ռիսկերին և ազդեցություններին և հիմնվեն **էկոհամակարգային մոտեցումների և/կամ բնության վրա հիմնված լուծումների (NbS)** վրա:

Առաջարկվող լուծումները կարող են ներառել, սակայն չեն սահմանափակվում հետևյալով՝

- Էկոհամակարգերի վերականգնում
- Ջրային ռեսուրսների պահպանում և արդյունավետ կառավարում
- Կլիմայակայուն խելացի գյուղատնտեսություն և պարենային անվտանգության ապահովում
- Աղետների ռիսկի նվազեցում, պատրաստվածություն և դիմակայունության բարձրացում,
- Եկամտի աղբյուրների բարելավում և կենսապահովման միջոցների դիվերսիֆիկացում/բազմազանեցում/
- Առողջության և կյանքի որակի բարելավում
- այլ նորարարական բնության վրա հիմնված լուծումներ:

Ոգեշնչման և օրինակների համար դիմորդները կարող են ծանոթանալ **Mountains ADAPT** նախաձեռնության համապատասխան հրապարակումներին՝ [Solutions from the South Caucasus](#) և [Solutions from East Africa](#):

Ի՞նչ ծախսեր կարող է ծածկել դրամաշնորհը:

Դրամաշնորհային միջոցները կարող են օգտագործվել նախագծի իրականացման հետ անմիջականորեն կապված և հիմնավորված ծախսերի համար, այդ թվում՝

- անձնակազմի և ներգրավված փորձագետների վարձատրություն,
- սարքավորումների և նյութերի ձեռքբերում,
- վերապատրաստման և կարողությունների զարգացման միջոցառումներ,
- գործառնական և վարչական ծախսեր,
- նախագծի իրականացմանն անմիջականորեն առնչվող այլ թույլատրելի ծախսեր:

Բոլոր ծախսերը պետք է լինեն **հիմնավորված, համաչափ և անմիջականորեն կապված հաստատված նախագծի նպատակների ու գործունեության հետ:**

Կա՞ն դրամաշնորհային միջոցների օգտագործման սահմանափակումներ:

Այո: Բոլոր ծախսերը պետք է՝

- ուղղակիորեն կապված լինեն հաստատված նախագծի նպատակների և գործունեության հետ,
- պատշաճ կերպով հիմնավորված լինեն դիմումում և հաստատված բյուջեում,
- համապատասխանեն կիրառելի ֆինանսական կանոններին և ընթացակարգերին,
- ապահովեն միջոցների արդյունավետ, նպատակային և կայուն օգտագործումը:

Բյուջեն չի կարող ներառել պետական պաշտոնատար անձանց, այդ թվում՝ տեղական ինքնակառավարման մարմինների ներկայացուցիչների, ուղղակի աշխատավարձերի կամ հավելավճարների վճարում՝ UNEP-ի ֆինանսական կանոններին և ընթացակարգերին համապատասխան:

Տեղական պաշտոնատար անձանց մասնակցությունը նախագծային գործունեությանը, օրինակ՝ համակարգմանը կամ վերահսկողությանը, կարող է ապահովվել **բնաիրային (դրամական չլինող) ներդրումների կամ պետական համաֆինանսավորման միջոցով**, սակայն SGFS-ի դրամաշնորհային միջոցներից նրանց ուղղակի վճարումներ չեն կարող իրականացվել:

Պարտադիր է համաֆինանսավորումը:

Ոչ: Համաֆինանսավորումը պարտադիր պահանջ չէ:

Այնուամենայնիվ, առկա կամ ակնկալվող համաֆինանսավորում ունեցող նախագծերը, օրինակ՝ տեղական ինքնակառավարման մարմինների կամ այլ գործընկերների կողմից տրամադրվող ֆինանսական կամ բնաիրային ներդրումները, **կարող են դիտարկվել որպես առավելություն** ընտրության գործընթացում:



Ընտրության չափանիշներ

Ինչպե՞ս են գնահատվելու հայտերը:

Հայտերը նախ կանգնեն **համապատասխանության նախնական ստուգում**, որի նպատակն է պարզել, թե արդյոք դրանք համապատասխանում են սահմանված նվազագույն համապատասխանության չափանիշներին:

Նախնական ստուգումն անցած հայտերը կգնահատվեն **տարածաշրջանային ընտրության հանձնաժողովի կողմից**՝ հավելվածներ բաժնում ներկայացված գնահատման մատրիցի և հաստատված որակական գնահատման չափանիշների հիման վրա:

Որո՞նք են ընտրության հիմնական չափանիշները:

Հիմնական չափանիշները ներառում են՝

- առաջարկվող լուծման համապատասխանությունը **տեղական կլիմայական ռիսկերին և խոցելիություններին**,
- **տեխնիկական իրագործելիությունը**,
- **ներառականությունը**, այդ թվում՝ գենդերային հավասարության և երիտասարդների մասնակցության ապահովումը,
- **նորարարական ներուժը և մասշտաբավորման հնարավորությունը**,
- **համայնքի սեփականության զգացումը**, **ներգրավվածությունը** և **մասնակցությունը**,
- **բնապահպանական և սոցիալական պաշտպանության պահանջներին համապատասխանությունը**,
- **նախագծի կայունությունը և երկարաժամկետ ազդեցության ներուժը**:

Լրացուցիչ մանրամասների համար տե՛ս հավելվածներ բաժինը:

Ովքե՞ր են կայացնում դրամաշնորհների հատկացման վերաբերյալ վերջնական որոշումը:

Հարավային Կովկասի տարածաշրջանի ընտրության հանձնաժողովները կգնահատեն նախնական ընտրության փուլ անցած նախագծերը և **կկայացնեն ֆինանսավորման վերաբերյալ վերջնական որոշումները**:

Լրացուցիչ մանրամասների համար տե՛ս հավելվածներ բաժինը:

Չընտրված դիմորդները կստանան արձագանք:

Այո: Յուրաքանչյուր դիմորդ կստանա **պաշտոնական ծանուցում** այն մասին, թե արդյոք իր հայտը ընտրվել է ֆինանսավորման համար:

Չընտրված դիմորդներին նույնպես կտրամադրվի **գնահատման արդյունքների վերաբերյալ արձագանք**, հնարավորության դեպքում՝ լրացուցիչ անհատականացված դիտարկումների և կարողությունների զարգացման ռեսուրսների տեսքով:



Իրականացում և հաշվետվողականություն

Ի՞նչ է տեղի ունենում նախագծերի ընտրությունից հետո:

Ընտրված կազմակերպությունները կհրավիրվեն մշակելու **մանրամասն իրականացման պլան**, որը կներառի հիմնական արդյունքները, գործողությունները, հիմնական փուլերը և ժամանակացույցը: Դրամաշնորհառուների **կազմակերպական և տեխնիկական կարողությունները կգնահատվեն**, և նրանց կտրամադրվի անհատականացված կարողությունների զարգացման աջակցություն՝ ապահովելու համար, որ նախագծերը լինեն տեխնիկապես հիմնավորված, ներառական և համապատասխանեն UNEP-ի **բնապահպանական և սոցիալական պաշտպանության պահանջներին և չափանիշներին**:

Հաշվետվության ի՞նչ պահանջներ են նախատեսված դրամաշնորհառուների համար:

Դրամաշնորհառուները պետք է հաշվետվություններ ներկայացնեն իրենց հաստատված իրականացման պլանում սահմանված ժամանակացույցին համապատասխան:

Հաշվետվությունները պետք է ներառեն, մասնավորապես՝

- նախատեսված հիմնական արդյունքների և համապատասխան փուլերի իրականացման ապացույցներ,
- բյուջեի կատարման և ծախսերի վերաբերյալ տեղեկատվություն,
- համապատասխան ֆինանսական փաստաթղթեր,
- իրականացված գործունեությունը փաստագրող տեսողական նյութեր, օրինակ՝ լուսանկարներ և տեսանյութեր:

Որքա՞ն հաճախ պետք է ներկայացվեն առաջընթացի հաշվետվությունները:

Նախատեսվում է ներկայացնել **երկու նկարագրական և ֆինանսական հաշվետվություն**՝

1. **միջանկյալ հաշվետվություն**,
2. **վերջնական հաշվետվություն**՝ նախագծի գործունեության ավարտից հետո:

Իրականացման պլանի մշակման ընթացքում կարող են համաձայնեցվել նաև **լրացուցիչ մշտադիտարկման և հաշվետվողականության միջոցառումներ**:

Տեղում այցերն ու աուդիտները մոնիթորինգի գործընթացի մաս՞ են կազմում:

Այո: Ընտրված նախագծերի մի մասը **պատահական ընտրանքի հիման վրա** կարող է ենթարկվել դաշտային մշտադիտարկման այցերի և/կամ համապատասխանության ստուգումների:

Ընտրված նախագծերի նկատմամբ կիրականացվի համապատասխան մշտադիտարկում՝ **հաշվետվողականության, ֆինանսական և ծրագրային պահանջների պահպանման և նախագծերի պատշաճ իրականացման ապահովման նպատակով**:



Ժամանակացույց

Ե՞րբ կտեղեկացվեն հաջողակ դիմորդները:

Հաջողակ դիմորդների մասին նախատեսվում է տեղեկացնել **2026 թվականի երրորդ եռամսյակում**:

Ե՞րբ պետք է սկսվի նախագծերի իրականացումը:

Նախագծերի իրականացումը նախատեսվում է սկսել **2026 թվականի չորրորդ եռամսյակում**:

Որքա՞ն է դրամաշնորհի իրականացման ժամկետը:

Դրամաշնորհային նախագծերի իրականացման նախատեսվող ժամկետը **12 ամիս է**:



Աջակցություն

Դիմումի ներկայացման ընթացքում տեխնիկական աջակցություն հասանելի՞ է:

Այո: Դիմումի ներկայացման ընթացքում տեխնիկական աջակցության կամ որևէ հարցի պարզաբանման համար դիմորդները կարող են կապվել **UNEP-ի ծրագրային թիմի** հետ՝ նշված պաշտոնական էլեկտրոնային հասցեով unep-mountainsadapt@un.org:

Դրամաշնորհառուներին կտրամադրվի՞ վերապատրաստում կամ կարողությունների զարգացման աջակցություն:

Այո: Դրամաշնորհառուներին կտրամադրվի **անհատականացված կարողությունների զարգացման աջակցություն**՝ նրանց կարողությունների և կարիքների նախնական գնահատման հիման վրա:

Աջակցությունը կարող է ուղղված լինել, մասնավորապես, նախագծերի տեխնիկական իրականացման, ֆինանսական կառավարման, հաշվետվողականության, մշտադիտարկման, ներառականության և բնապահպանական ու սոցիալական պաշտպանության պահանջների պահպանման կարողությունների ամրապնդմանը:

Հավելված 1. Ստանդարտացված դիմումի գնահատման ամփոփագիր

Բաժին 1. Հիմնական տեղեկատվություն

Դաշտ	Մանրամասներ
Դիմումի ID	[Ավտոմատ գեներացվում է]
Երկիր / տարածաշրջան	[օրինակ՝ Հայաստան /Հարավային Կովկաս]
Դիմորդ կազմակերպություն	Կազմակերպության անվանումը]
Իրավական կարգավիճակ	[Գրանցված համայնքային հիմքով գործող կազմակերպություն / քաղաքացիական հասարակության կազմակերպություն (ՔՀԿ) / կանանց կազմակերպություն / երիտասարդական կազմակերպություն / այլ]
Նախագծի անվանումը	[Ամբողջական անվանումը]
Հայցվող դրամաշնորհի չափը	[ԱՄՆ դոլար]
Իրականացման տևողությունը	[օրինակ՝ 12 ամիս]
Իրականացման վայրը	[Համայնք / շրջան, GPS կոորդինատներ՝ առկայության դեպքում]

Բաժին 2: Թեմատիկ ուղղվածություն և ամփոփ նկարագիր

Թեմատիկ ուղղություններ	[✓ Էկոհամակարգերի վերականգնում/ ✓ Կլիմայակայուն խելացի գյուղատնտեսություն]
Նախագծի համառոտ նկարագիրը	[3–5 նախադասությամբ ներկայացնել հիմնական գործողությունները, նպատակները և ակնկալվող արդյունքներն ու ազդեցությունները]

Բաժին 3. Համապատասխանության նախնական ստուգում

Համապատասխանության չափանիշներ	Այո / Ոչ
Դիմորդը պատշաճ կերպով գրանցված համայնքային հիմքով գործող կազմակերպություն կամ քաղաքացիական հասարակության կազմակերպություն (ՔՀԿ) է:	
Առաջարկվող նախագիծը հստակորեն առնչվում է կլիմայի փոփոխության նկատմամբ հարմարվողականությանը:	
Առաջարկվող լուծումը հիմնականում հիմնված է բնության վրա հիմնված լուծումների (NbS) և/կամ էկոհամակարգային հարմարվողականության մոտեցումների վրա:	
Դիմորդն ունի փոքր դրամաշնորհը կառավարելու համար անհրաժեշտ ֆինանսական և գործառնական կարողություններ:	
Առաջարկը համապատասխանում է բնապահպանական և սոցիալական պաշտպանության պահանջներին (նախնական ստուգում):	

Նշում. Նախնական համապատասխանության ստուգումը հաջողությամբ անցնելու համար բոլոր չափանիշների դիմաց պետք է նշված լինի «Այո»:

Բաժին 4. Գնահատման ամփոփագիր և միավորների բաշխման աղյուսակ

Չափանիշ	Առավելագույն միավոր	Տրված միավոր	Դիտարկումներ
Տեղական կլիմայական խոցելիություններին և ազգային/տեղական առաջնահերթություններին համապատասխանություն	20 միավոր		
Տեխնիկական իրագործելիություն և կայունություն	20 միավոր		
Ներառականություն և գենդերային/երիտասարդական հավասարություն	15 միավոր		
Նորարարություն / մասշտաբավորման ներուժ	15 միավոր		
Համայնքային պատասխանատվություն և մասնակցություն	15 միավոր		
Համապատասխանության և կայունության ապահովում, ռիսկերի կառավարում, ինչպես նաև բնապահպանական և սոցիալական պաշտպանության պահանջների ինտեգրում	15 միավոր		
Ընդհանուր միավոր	100 միավոր	[xx/100]	

Գնահատման նվազագույն շեմ. 60 միավորից ցածր ընդհանուր գնահատական ստացած հայտերը, որպես կանոն, չեն առաջարկվում ֆինանսավորման համար: Բացառիկ դեպքերում նման հայտը կարող է ներկայացվել հանձնաժողովի լրացուցիչ քննարկմանը՝ համապատասխան հիմնավորմամբ:

Բաժին 5. Ընտրության հանձնաժողովի դիտարկումներ

Բաժին	Դիտարկումներ
Հիմնական ուժեղ կողմեր	[օրինակ՝ տեղական ինքնակառավարման մարմինների հետ համագործակցության հստակ մեխանիզմներ, լավ մշակված մշտադիտարկման և գնահատման (ՄԳ) համակարգ]
Հիմնական ռիսկեր/թույլ կողմեր	[օրինակ՝ նախագծերի իրականացման նախորդ փորձի սահմանափակություն, ֆինանսական կառավարման կարողությունների վերաբերյալ մտահոգություններ]
Համապատասխանություն ազգային առաջնահերթություններին	[օրինակ՝ առաջարկը համապատասխանում է ազգային հարմարվողականության ծրագրով սահմանված առաջնահերթ ուղղությանը]
Անհրաժեշտ է լրացուցիչ պարզաբանում	[Այո / Ոչ — եթե այո, նշեք պահանջվող պարզաբանումը]

Հավելված 2. Հանձնաժողովի ընտրության գնահատման մատրիցա

	Գնահատման չափանիշ	Առավելագույն միավոր	Միավորների հաշվարկման ուղեցույց	Ուղղորդող հարցեր / լրացուցիչ մեկնաբանություններ
1.	Համապատասխանություն տեղական կլիմայական խոցելիություններին և ազգային/տեղական առաջնահերթություններին	20 միավոր	0–5՝ կլիմայական խոցելիություններին կամ քաղաքական առաջնահերթություններին հստակ չի համապատասխանում: 6–10՝ առկա է ընդհանուր համապատասխանություն, սակայն կապը թույլ է հիմնավորված: 11–15՝ առկա է հստակ համապատասխանություն և հիմնավորված կապ: 16–20՝ առկա է ուժեղ, ապացույցների վրա հիմնված համապատասխանություն բացահայտված կլիմայական ռիսկերի և համապատասխան ազգային/տեղական առաջնահերթությունների հետ:	Արդյո՞ք նախագիծն ուղղակիորեն անդրադառնում է նույնականացված կլիմայական խոցելիություններին: Արդյո՞ք այն նպաստում է ազգային և/կամ տեղական մակարդակում կլիմայի փոփոխության նկատմամբ հարմարվողականության նպատակների իրականացմանը:
2.	Տեխնիկական և իրագործելիություն և կայունություն	20 միավոր	0–5՝ առաջարկը անորոշ է, տեխնիկապես ոչ հիմնավորված կամ գործնականում կիրառելի չէ: 6–10՝ ընդհանուր առմամբ իրագործելի է, սակայն առկա են էական տեխնիկական կամ գործառնական բացեր: 11–15՝ իրագործելի է և կարող է իրականացվել կառավարելի ռիսկերի պայմաններում: 16–20՝ լավ մշակված, տեխնիկապես հիմնավորված և իրատեսորեն իրականացվող առաջարկ է:	Արդյո՞ք առաջարկվող գործողությունները տեխնիկապես հիմնավորված և իրագործելի են նախատեսված ժամկետների և բյուջեի շրջանակում: Արդյո՞ք հիմնական ռիսկերը պատշաճ կերպով բացահայտված և կառավարվող են: Արդյո՞ք նախատեսված են նախագծի արդյունքների և ազդեցության պահպանման մեխանիզմներ դրամաշնորհի ավարտից հետո:
3.	Ներառականություն և գենդերային/երիտասարդական հավասարություն	15 միավոր	0–5՝ ներառականության հստակ մոտեցում կամ ռազմավարություն չկա: 6–10՝ որոշակի ուշադրություն է դարձվում ներառականությանը, սակայն մոտեցումը սահմանափակ է: 11–15՝ առկա է ուժեղ և նախագծի բոլոր փուլերում ինտեգրված ներառականության մոտեցում:	Արդյո՞ք նախագիծը հնարավորություն է տալիս մարգինալացված կամ խոցելի խմբերին, այդ թվում՝ կանանց, երիտասարդներին և, համապատասխան համատեքստում, բնիկ ժողովուրդներին, ունենալ իմաստալից մասնակցություն և որոշումների կայացման մեջ դեր: Արդյո՞ք գենդերային հավասարությունը և սոցիալական ներառականությունը ներառված են նախագծի պլանավորման և իրականացման մեջ:
4.	Նորարարություն և մասշտաբավորման ներուժ	15 միավոր	0–5՝ նորարարական տարրեր չկան, կամ առաջարկը հիմնականում կրկնօրինակում է առկա մոտեցումները՝ առանց հստակ ավելացված արժեքի: 6–10՝ առաջարկն ունի որոշ նորարարական կամ այլ համատեքստում կիրառելի տարրեր: 11–15՝ առաջարկը ներառում է հստակ նորարարական մոտեցումներ և ունի այլ համայնքներում կամ համատեքստներում կրկնօրինակման և/կամ մասշտաբավորման բարձր ներուժ:	Արդյո՞ք լուծումը ներառում է նոր գաղափարներ, մոտեցումներ կամ մոդելներ: Արդյո՞ք այն կարող է կրկնօրինակվել կամ մասշտաբավորվել այլ լեռնային համայնքներում կամ համանման համատեքստներում:

5.	Համայնքի ներգրավվածություն և մասնակցություն	15 միավոր	0–5՝ նախագիծը հիմնականում մշակված է վերնից ներքև մոտեցմամբ, համայնքի մասնակցությունը սահմանափակ է կամ բացակայում է: 6–10՝ իրականացվել են համայնքի հետ որոշակի խորհրդակցություններ և ներգրավման գործողություններ: 11–15՝ առկա է ուժեղ մասնակցային պլանավորում, համայնքի իրական սեփականություն և տեղական դերակատարների ակտիվ ներգրավվածություն:	Արդյո՞ք համայնքի անդամները ներգրավված են եղել նախագծի մշակման փուլում: Արդյո՞ք համայնքը մասնակցելու է որոշումների կայացմանը: Արդյո՞ք համայնքային կազմակերպությունները կամ տեղական դերակատարները կղեկավարեն կամ համատեղ կիրականացնեն նախատեսվող գործողությունները:
6.	Ռիսկերի կառավարում և բնապահպանական ու սոցիալական պաշտպանության պահանջներ ի ինտեգրում	15 միավոր	0–5՝ ռիսկերը և բնապահպանական ու սոցիալական պաշտպանության պահանջները չեն բացահայտվել կամ պատշաճ կերպով հաշվի չեն առնվել: 6–10՝ հիմնական ռիսկերը ճանաչվել են, սակայն դրանց մեղմացման միջոցառումները սահմանափակ են կամ ոչ լիարժեք: 11–15՝ բնապահպանական և սոցիալական ռիսկերը հստակ բացահայտված են, և դրանց կանխարգելման կամ մեղմացման համար նախատեսված են համապատասխան և իրատեսական միջոցառումներ:	Արդյո՞ք նախագիծը բացահայտել է հնարավոր բնապահպանական և սոցիալական ռիսկերը, օրինակ՝ էկոհամակարգերին հասցվող վնասը, խոցելի խմբերի բացառումը, շահերի բախումները կամ տեղական լարվածությունները: Արդյո՞ք նախատեսված են այդ ռիսկերի կանխարգելման և մեղմացման իրատեսական միջոցառումներ: Արդյո՞ք նախագիծը կիրառում է «վնաս չպատճառելու» սկզբունքը և միաժամանակ խթանում է բնապահպանական և սոցիալական համատեղ օգուտները:

Ընդհանուր միավոր . ____ / 100

Ընտրության՝ որակական մեկնաբանություններ

- Հիմնական ուժեղ կողմերը:
- Թույլ կողմերը կամ հիմնական մտահոգությունները:
- Առաջարկվող պայմանները կամ լրացուցիչ պահանջները, եթե կիրառելի է:
- Լրացուցիչ պարզաբանումներ կամ փաստաթղթեր, եթե պահանջվում են:

Գնահատման սանդղակ

Միավորների միջակայք	Գնահատական	Առաջարկվող որոշում
90–100	Գերազանց	Լիարժեք առաջարկվում է ֆինանսավորման համար՝ առանց էական լրացուցիչ պայմանների:
75–89	Ուժեղ	Առաջարկվում է ֆինանսավորման համար՝ հնարավոր փոքր պարզաբանումների կամ լրացումների պայմանով:
60–74	Միջին	Կարող է դիտարկվել ֆինանսավորման համար, եթե առաջարկը համապատասխանում է կոնկրետ տարածաշրջանային կամ թեմատիկ առաջնահերթություններին և առկա է բավարար ֆինանսավորում:
0–59	Թույլ	Չի առաջարկվում ֆինանսավորման համար ընթացիկ ընտրության փուլում: